




1617_035.jpg




1617_036.jpg



1617_037.jpg



1617_038.jpg



1617_039.jpg


Histoire de nostre temps

39


lesquels toutesfois se laissoient emporter à des desseins
 capables de produire d'estranges inconueniens. Voylà
 les subiects de leur calomnie, qui sont fort honorables
 & aduantageux au Marechal, & le doiuent rendre
 plus digne de la bien-veillance de sa Majesté, afin qu'à
 son exemple ses autres subiects recognoissent qu'en bien
 seruant elle les protegera, les comblera de ses faueurs, &
 qu'ils apprennent que pour bien seruir il ne faut auoir
 respect d'autre grandeur que de celle de son Prince. Si le
 Roy se veut faire représenter les memoires de ce qui s'est
 passé depuis la prise de Mezieres, il y remarquera que
 le Duc de Neuers a entrepris sur ses places par surprises
 ou de vive force, s'est fortifié de garnisons de gens de
 guerre, de suite d'estrangers, allié de confederations
 estroictes avec des esprits nourris & esleuez dans les di-
 uisions. Qu'il a foulé aux pieds la dignité des loix, fait
 litiere des Magistrats, traité indignement par mespris
 avec ruse & moquerie les Officiers du Roy, executant
 ses Commissions. Le Marechal d'Ancre au contraire,
 de son seul mouuement, & preuenant la volonté de sa
 Majesté sur la simple opinion qu'il conceut pour le bien
 de ses affaires, il a quitté la Lieutenance generale de
 Picardie, où de son temps ses habitudes estoient formées
 pour le service du Roy, non pour ses interets: Et remis
 la Citadelle d'Amiens fournie autant que place de Fran-
 ce, de canon, armes & munitions, voisine de Paris &
 de la frontiere, es mains de sa Majesté, pres de laquelle
 il se rendit comme particulier, ne desirant autre place
 de seuereté, que l'honneur des bonnes graces de son Mai-
 stre: Quand le Roy luy commanda d'accepter la Lieute-
 nance generale de Normandie, son obeysance fut prom-
 pte, il trouua toutes les ordres de la Prouince dans le de-

CC iiij


1617_040.jpg




1617_041.jpg




1617_042.jpg



1617_043.jpg



1617_044.jpg



44

M.D.CXVII.

Declaration du Roy contre les Ducs de Vendôme, de Mayenne, Marechal de Bouillon, Marquis de Coëure, le President le Jay, & tous ceux qui les assistent.

Declaration contre les Ducs de Vendôme, Mayenne & de Bouillon, &c
LOVIS par la grace de Dieu Roy de France & de Navarre, A tous presens & à venir, Salut. La bonté & clemence dont nous auons usé, & les graces & biens-faits que nous auons departis à aucuns Princes, Ducs, Pairs de ce Royaume, & autres nos subiects, nous faisoit esperer à bon droit qu'ils se contendoient dans les bornes du respect & de l'obeissance que naturellement ils nous doiuent : ceux mesmes ausquels nous auons non seulement pardonné les crimes par eux perpetrez, mais aussi augmenté nouvelles faueurs. Ceneantmoins il est arriué que mettans en arriere toutes ces considerations, & oublians leurs promesses faites aux derniers traictez de Loudun, & Soissons, où ils s'estoient retirez au mesme temps que nous ordonnasmes faire arrest de la personne de nostre Cousin le Prince de Condé, ils se sont tellement declarez contre Nous & nostre Estat, par nouvelles ligue & associations dedans & dehors le Royaume, que nous pouuons dire avec verité qu'ils n'ont autre dessein que d'en procurer l'entiere ruine, s'il n'y est par nous promptement pourueu : à ce conuiez par l'impunité & profits qu'ils en ont receus du passé, & l'esperance qu'ils ont encores de tirer à

Image issue du site mercurefrancois.ehess.fr - Cliché (c) Cécile Soudan